

法令 電旨 交旨

川重慶府知府員缺著段友蘭補授欽此

六月二十九日內閣奉 上諭雲南勸業道員缺著劉孝

祚補授欽此

電旨

六月初三日奉 旨錫良電奏悉滇省匪亂甫平正賴該

督籌辦善後豈可遽萌退志著賞假一箇月以資調養所

請開缺之處應無庸議欽此

六月初五日奉 旨劉春霖電奏悉著賞假十日假滿後

迅即赴滇欽此

六月初十日奉 旨張人駿電奏悉法國贈秦炳直寶星

著准其收受欽此

六月二十日奉 旨馮汝驥電奏悉所請借運盧鹽免完

釐稅各節著照所請度支部知道欽此

六月二十一日奉 旨袁樹勛電奏悉所請東省引票各

地鹽斤再加價二文著照所請餘應會同河南安徽巡撫

體察情形妥議具奏度支部知道欽此

六

六月二十二日奉 旨陳夔龍電奏悉湖北霪潦為災居

民蕩析朝廷殊切軫念著該督督飭印委各員趕放急賑

實力撫恤勿任失所並將續查情形隨時具報欽此

六月二十六日奉 旨長庚電奏悉塔爾巴哈台領隊大

臣著扎拉豐阿暫行兼署欽此

六月二十七日奉 旨馮煦電奏悉安徽休甯等屬山水

暴發災情甚重著馮煦督飭所派官紳速放急賑認真撫

恤務期實惠及民勿任蕩析失所欽此

交旨

六月初二日交稅務處 軍機大臣面奉 諭旨鐵路免

稅日多自應略示限制但此項免稅或訂在合同或業經

奏准亦須分別詳擬著該處會同外務部度支部郵傳部

詳細查明妥議具奏欽此 同日交外務部 貝子溥

本日貝子溥倫奏日本接待各員擬懇 恩賞一摺單一

件奉 旨著照所請外務部知道欽此

六月初三日交吏部 本日貴部奏請 欽派查驗詢問

七月